



O Volapükafiens Valöpo!

Bü yels jöldeg “Vödabuk Volapüka” päpübon. Atos äbinon del mebabik pro Volapükaneft, bi äbinon prim timäda nulik jenava püka obsik. Nu, yels jöldeg pos dabükot vödabuka fa de Jong, ekö dabükot nulik ota, kel binon gebidik dönu pro alans.

Vödabuk nitedik at pepübon fa fiam “Evertime” suämü : pouns: 30.95/yurods :34.95/dolars : 42.95.

Sevob, das mödikans ävilons remön vödabuki at, ab liedo samäds valik ya ifigebons. Cedob, das äbinob bevü remans lätikün vödabuka rigik. Ed äbinob balan ad remön vödabuki nulik.

Kis binon-li dist vü vödabuks tel? Nendoto dist küpovikün binädön me köls lifik. Buk, keli egetob äbinon lölöfiko gedik, ab buk nulik dalabon klotis nulädik, fulü köl, e pub buka binon dido jönik.

Ninäd buka binon dientifik ko buk rigik (sevabo: Deutänapük – Volapük e Volapük – Deutänapük) bi binon kopied buka rigik, ab söl Everson, kel binom dilekan fiam “Evertime” eläükom tradutodis in Linglänapük fospika e gramata brefik fa de Jong, kel obinon frutik pro utans, kels no gudiko suemons Deutänapüki. Cödöt oba tefü vödabuk at binon, das binon stunidabik, e pleidob ad dalabön samädi ota.

Valikosi Gudikün Oles ed Olikanes

sedom

Ralph

DÜNAN NENMISERIK

Regän sūlas kanon paleigodōn ko reg seimik, kel
āvilom klirōn ko dūnans okik.

Ven āprimom ad klirōn, balan pālūblinom ome, kel
ādebom ome talāntis degmil, e bi no ālabom moni ad pelōn,
sōl ābūdom, das om, ko jimatan e cils oma, ed alut, keli
ādalabom, pōselon diseinū moed deba.

Sekū atos dūnan ādofalom lo om, ed āsagom :
"Sufādolōs ko ob! Opelob ole vali. Sōl āmiserom dūnani
et, āleadom mogolōn omi, ed āstiamom ome debi.

Ven dūnan et āsegolom, ātuvom balani kedūnans
omik, kel ādebom ome sikulis tum; āgleipom omi len gug
ed āsagom: "Pelolōd uti, keli debil !"

Sekū atos kedūnan omik ādofalom lo om ed
āsagom lebegōlo: "Sufādolōd ko ob! Opelob ole. Ab no
āvilom. Āmogolom ed āfanābūkom omi, jūs ōpelom
pedebōlosi.

Ven kedūnans ālogoms utosi, kelos ājenon,
ālūgikoms vemo, ed āgoloms ad konōn vali sōle oksik.

Tān sōl ābūdom kōmōn omi, ed āsagom ome:

"O dūnan badik! Debi lōlik et estiamob ole sekū
lebeg olik. No āsōtol-li, id ol, miserōn kedūnani olik, soāsā
ob emiserob oli?"

Ed āzunōlo, sōl omik ālovegivom omi gitādanes, jūs
ōpelom uti valik, keli ādebom ome.

So i Fat sūlik olsik odunom oles, if no alans olas
pardomsōv ladōfo blode okik.

(Tradutod fa hiel Arie de Jong).

LIUD LOVEFLANIK

(fa hiel Frank Roger)

Hiel Tony äsätenidükom oki in takädstul oka su gadapiadil ed älogetom lü lefogs, kelas köls äceinons põ modonikam sola. Lūmot ästanof su gadavegil, ed äspikof telefono ko ek. Sosus ifinükof spikoti, ägekōmof lü gadapiadil, äfulükof vāris onas dōnu, sagōlo:

"Sienob, das steifūlol nog ad sufidōn ko per ola enuik."

Änutom, ed äslūrfom zogālo vini. "Si, niludob, das oneodob timi mōdikum."

"Ifi spikol ko mot olik, val obinon gudikum, kredolōs obi," äsagof. "Kis neleton-li oli, o Tony! binof te telefonot mo."

Älemufükom kapi nen kūpetōn, das no kanoy telefonōn moti, kel ya edeadof. Lōlo no ävilom bespikōn atosi dōnu.

"Sevol-li, o Tony, das äspikob ebo anu ko matan oba tefū dins veūtik Binos trod gretik obe. "

"Si, sevob osi," äsagom. Dido ätelefonof matani deadik ai. Anu mens so mōdiks älebonedons "Liudi Loveflanik," ab om nefōro ävilom dunōn osi. Mens, kels ätelefonons lelōfanis, kelis iperons, te äcūtōns okis. No ävilom cūtōn oki soiko.

"Kikodo no vilol-li nemuiko betikōn tikamagoti at?" äsagof. "Dunūkolōs profūli mota olik. Fūmob, das dalabol nunis saidik ofo Otuvol suno, kikodo obs gebobs ai "Liudi Loveflanik." Sosus kōsōmoy ad atos, no kanoy lifōn

nen on."

"Bo äbinon desin fiam a et ad mekön dünotis somik nesädunovikis, igo ludivodikis," ägespikom oke tiko. Pro fiam at binon pöt gönik ad liegükön oki sekü neod valemik.

"No binon gudik pro ob," äsagom oke it. "Tikamagot lölik no jinon obe veratik.

"Te blufolös oni. Osuädol."

Ästeifülom däsperiko ad bespikön votikosi, ed äfredob vemo pö lüköm matana e dauta. Lümot sunädo äjäfof me ofs; äpreparof drinedis äsi fidotis, e danöfiko iglömof mobi oka. Takedükam kion! Tony iskeapom kluvus "Liuda Loveflank", - nemuiko anu.

Matan e lümot äprimofs spikoti lunüpik, du daud äpledof, ed äspikof ko flen magälik oka. Ädunof atosi suvikumo.

Äprimom ad drimälön dönu, logetölo lü sil dagiköl. Mems mota, kel ideadof bü vigs ömik, ägeflumons ome. Obinos lunüp büä logod e vög ofiks ofainikons se memäl oma. Ünü vig okömöl, ozelom motedadeli oka - motedadeli balid nen kom ofa.



"Ekö legivot bisarikün, keli föro egetob," äsagom Tony, äsä äxamom telefoni ziöbedemik ko minilud gretik. Matan e daud bofikans älobülavokädofs.

"Ologol numi nulik in lised," äsagof matan oma; "telefonolös numi at - anu - o Tony, gebolös oni, begöl!

IV:29:2012

Äzogom. "Edunofs osil" ätikom. Sil edunofs profüli mota obik ed elüükofs oni lisede telefonanumas oba pötü motedadel obik. Sötob sevön, das no kanoböv skeapön somikosí."

"O Tony!" Matan ägleipof bradi oma. Logs ofa älogons omi spetidiko.

"Benö!" äsagom, ed ätelefonom numi nulik. Pos sekuns ömik, älielom sagön vögi vemo nätimiki: "O Tony" Motedadeli läbik ole! Fredob ad lilön vögi olik dönu. Lio stadol-lí?"

Dido äbinon vög mota omik. Äbinon kuratiko äs vög ofik. Sümedot nünömik äbinon nekredoviko jenöfik. Nendoto vög ofa pigeton medü tonodasirkots leäktroniko peregistaröls. E nunis läyümik tefü pösodöf mota bo ikeblünons famülans it.

"O Tony! Binol-li nog us?"

"Sí! o motúl," ägespikom, ed ädunom spikoti brefüpik, pö süpád gretik oka, ko vög mota. Pos minuts ömik äfinükom spikoti ed äpromom ad telefonön ofi dönu suno.

Ämutom koefön, das val äbinon süadüköl - süpád nonik, das mens so mödiks älebonedons "Liudi Loveflanik" ad spikön ko röletans deadik e ad lilön vögis lelöfik onas dönu. Äb ämutoy mebön ai, das vög, ko kel äspikoy no äbinon pösod jenöfik, ab sek nünömaprogramela. In tef at, sek at äbinon nendöfik.

Oyufon-li omi ad komipön ta per oma? Ud okodedon-li, das komip at ovedon fikulikum? Nendoto tikamagot somik no äkudükon programelis kompenäta

IV: 30 :2012

"Liud Loveflanik." Kompenät äbinon mu kotenik ad getön telefonotis valöpaö, e ad getön moni mödik.

Äsludom ad gebön 'drati hitik' at lü lananöp späliäliko. Plitikos vo äbinos, ab äsevom gudiko, das äbinon dobälik, e neföro ösekidom de somikos, äs lümot, kel äspikof ko matan deadik ai.

"Nu, pliton-li ole?" äsäkof matan.

"Binon vo stunabik," ägespikom. Danob oli, das egeblinol obe moti obik, e das ekomof pö motedadel obik." Äbradom ofi, tän ägolof ini dom ad preparön drinedis ömik.

In gad, daut oma äspikof, äs ai, ko flens magälik oka.

Süpo tikamagot äflapon omi. "Seimna," ätikom, "nünömaprogramels pro "Liud Loveflanik" otuvons fino siti votik, kel odälon, das cils telefononsös flenis magälik okas. Maket nitedik ad frutidön, no-li?" Pösods somik binons saidiko neskrupüliks ad bevobön somikosi Bo äbevobons somikosi ün timül at. "Mutob bēspikön dini ko mot obik," ätikom, smililölo. Äbēspikom ai tikamagotis oka balido ko of.

() () () () ()

TIKAMAGOTS FRUTIK ÖMIK

Utan, kel seilon ya ebaicedon.

Vin gudik no neodon reklami.

Kvil no fanon nāsäkis.

IV: 31 :2012

LÄLID – KAPIT VELID (2) (fa hiel Lewis Carroll)

TIEDAZALUL LIENETIK

“Herem ola neodon kötöti,” äsagom Hätel. Dü tim ömik älogedom lü Lälid se nuläl, ed äbinon naed balid, das ispikom.

“Lölöfiko no plütos ad krütön votanis,” äsagof Lälid, boso seväriko, “binos vemo neplütik.”

Lilölo atosi, Hätel ämaifükom vidiko logis; ab äsagom te : “Kikodo rab binon-li äs püpiti?”

“Benö! anu pomuadobs,” ätikof Lälid. “Kotenikob, das eprimoms ad dunön rätis.

- Tikob, das ob kanob rätön oni,” äläükof laodiko.

“Cedol-li, das okanol jenöfo rätön oni?” äsagom ofe Mäzul-Liev.

“Kuratiko so!” äsagof Lälid.

“Ab sagolös üfo utosi, kelosi vilol sagön,” äfövom Mäzul-Liev.

“Atosi dunob,” ägespikof Lälid vifiko, “nemuiko vilob sagön utosi, kelosi sagob – binos otos, no-li?”

“Lölöfiko no!” äsagom Hätel. “Kanoyöv üfo sagön, das <Logob utosi, kelosi fidob> dalabon sinifi ot äs <Fidob utosi, kelosi logob>!

I kanoyöv üfo sagön, das <Plidob utosi, kelosi getob > dalabon sinifi ot as <Getob utosi, kelosi plidob>! äläükom

IV: 32:2012

Mäzul-Liev. E Liron, kel äjinom spikön slipo, id äläükon:
"E ven sagoy <Natemob ven slipob> atos dalabon sinifi ot äs
<Slipob ven natemob>!"

"Fümo binon ebo otos lä ol," äsagom Hätel, ed in tef
at, spikoti no äfövoy. Alans äblebons seiliks dü nelunüp, du
Lälid ästeifülof ad memön noli oka dö rabs e püpits, ab ut no
äbinon mödik. Poso Hätel äbinom balidan ad spikön.

"Kis binon-li del mula?" äsagom, flekölo oki iü Lälid:
itirom glokili oka se pok, ed älogedom lü on dredäliko;
älemufükom oni semikna, ed äkipom oni ta lil oka.

Lälid ätikädof boso osi, poso äsagof: "binos del folid
mula."

"Ag! Distöf delas tel!" äseifom Hätel. "Esagob ole,
das bör no binon pötöfik äs smiv," äläükom, logedölo zuno lü
Mars-Liev.

"Ab äbinon bör gudikün," ägespikom mükiko. "Si, ab
klülabiko ädabinons us i bodabreküls," ämurom Hätel: "no
sötöl ninükön oni me bodaneif."

Mäzul-Liev äsumom pokagloki ed äxamom oni skano;
täno äblunom oni ini bovül tieda, ed äxamom oni dönu; ab
no äkanom sagön gudikumosi, ka küpet balid oka, sevabo:
"Kiöp binon bör *gudikün*!"

Lälid vüo älogedof nuläliko love jot oma. "Glok
bisarik binon!" äsagof. "Jonon deli mula, ab no düpi!"

"E kikodo no-li?" älumürom Hätel. "Glok ola jonon-
li ole yeli?"

(Fövot osökon ün mul okömöl)